

საქართველოს ეკონომიკისა და მდგრადი განვითარების სამინისტრო

საჯარო სამართლის იურიდიული პირი  
საზღვაო ტრანსპორტის სააგენტო

გამარტივებული  
ელექტრონული ტენდერის

დოკუმენტაცია

საზღვაო ტრანსპორტის სააგენტოს ადმინისტრაციული  
შენობისა და მიმდებარე ტერიტორიის დასუფთავება და  
სანიტარული მომსახურების სახელმწიფო შესყიდვის  
შესახებ

---

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის, და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. ბათუმი  
2012 წელი

## ს ა რ ზ ე ვ ი

|                                                                            |    |
|----------------------------------------------------------------------------|----|
| 1. ინსტრუქცია ტენდერში მონაწილეთათვის .....                                | 3  |
| 2. ტექნიკური დოკუმენტაცია .....                                            | 6  |
| 3. სახელმწიფო შესყიდვის შესახებ ხელშეკრულების პროექტი .....                | 9  |
| 4. დამატებითი ინფორმაცია .....                                             | 13 |
| 5. დანართი N1, აფიდავიტის საილუსტრაციო ფორმა .....                         | 13 |
| 6. დანართი N2 სატენდერო წინადადების ფასი, ფასების ცხრილი და რეკვიზიტები .. | 14 |
| 7. დანართი N3 .....                                                        | 15 |
| 8. დანართი N4; N5.....                                                     | 16 |

## 1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაეცნოს აფიდავიტს და დაეთანხმოს მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართ #1).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს, ხოლო ვადა განისაზღვრება სახელმწიფო შესყიდვების ერთიან ელექტრონულ სისტემაში წინადადების მიღების დაწყებიდან არანაკლებ 30 კალენდარული დღით.

1.8 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება, რომელიც ძალაშია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“, ან „ტ“ ქვეპუნქტებით გათვალისწინებული ეტაპის დადგომამდე.

1.9 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19 თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.21 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

#### **1.22 პრეტენდენტის დისკვალიფიკაცია ხდება შემდეგ შემთხვევებში:**

- ა) თუ მის მიერ წარმოდგენილი ტექნიკური დოკუმენტაცია, „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-12 მუხლის მე-5 და მე-6 პუნქტების გათვალისწინებით, არ შეესაბამება სატენდერო განცხადებას ან/და სატენდერო დოკუმენტაციას;
- ბ) თუ პრეტენდენტი უარს იტყვის თავის სატენდერო წინადადებაზე;
- გ) თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;
- დ) თუ ის არ დააზუსტებს ტექნიკურ დოკუმენტაციას „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-12 მუხლის მე-6 პუნქტით დადგენილ ვადაში;
- ე) თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს ამ წესის მოთხოვნათა დაცვით;
- ვ) თუ ის არის „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-15 მუხლის პირველი პუნქტით გათვალისწინებული გამარჯვებული პრეტენდენტი და უარს აცხადებს სახელმწიფო შესყიდვის შესახებ ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის გარანტიას;
- ზ) თუ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“

1.23 ამ ინსტრუქციის 1.22 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24 გამარტივებული ელექტრონული ტენდერის ან ელექტრონული ტენდერის ჩატარებისას, „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „ქ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

- ა) პრეტენდენტი უარს იტყვის თავის სატენდერო წინადადებაზე;
- ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ)პრეტენდენტი დისკვალიფიცირებულია „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-13 მუხლის მე-2 პუნქტის „ბ“, „გ“, „ე“- „ზ“ ქვეპუნქტების შესაბამისად.

1.25 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26 ტენდერის შეჩერება და შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.27 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.30 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31 პრეტენდენტს არა აქვს უფლება წარმოადგინოს ალტერნატიული წინადადება.



## **2. ტექნიკური დოკუმენტაცია**

### ***2.1 საკვალიფიკაციო მოთხოვნები:***

***საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:***

#### ***2.1.1 იურიდიული პირებისათვის:***

***ა)*** ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

***ბ)*** ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ;

***გ)*** ცნობა უფლებამოსილი ორგანოდან, რომ იურიდიული პირის მიმართ არ მიმდინარეობს გადახდისუუნარობის საქმის წარმოება;

***დ)*** ცნობა საგადასახადო ინსპექციიდან იურიდიული პირის რეგისტრაციის ადგილის მიხედვით, ბიუჯეტის წინაშე არსებული დავალიანების შესახებ.

#### ***2.1.2 ფიზიკური პირებისათვის:***

***ა)*** ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

***ბ)*** ცნობა საგადასახადო ინსპექციიდან ფიზიკური პირის რეგისტრაციის ადგილის მიხედვით, ბიუჯეტის წინაშე არსებული დავალიანების შესახებ.

**2.2** ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპის (სტატუსი - სატენდერო წინადადებების მიღება დაწყებულია) დაწყების შემდეგ;

**2.3** ამ პუნქტის 2.1.1 და 2.1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

**2.4** პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

### ***2.5 ანგარიშსწორების პირობები:***

**2.5.1** სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის ადგილზე მიწოდებასთან დაკავშირებული ყველა გადასახადის გათვალისწინებით.

**2.5.2** ანგარიშსწორება მოხდება ეტაპობრივად, ფაქტიურად მიწოდებული საქონლის ღირებულების შესაბამისად უნაღდო ანგარიშსწორებით ლარში.

**2.5.3** ანგარიშსწორება მიმწოდებელთან განხორციელდება ხელშეკრულების შესაბამისად გაფორმებული მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის საფუძველზე (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა საგადასახადო ინსპექციიდან) არაუგვიანეს 20 (ოცი) კალენდარული დღის განმავლობაში.

**2.5.4** წინასწარი ანგარიშსწორება (ავანსი) არ გამოიყენება.

## **2.6 შესყიდვის ობიექტის ტექნიკური მახასიათებლები:**

**მთლიანი დასასუფთავებელი ტერიტორია მოიცავს: შიდა ტერიტორიის 514 კვ.მ.; გარე ტერიტორიის 468 კვ.მ; ფანჯრების რაოდენობა – 20 ერთეული; სველი წერტილების რაოდენობა 2 ერთეული**

**2.6.1.** ტენდერში გამარჯვებულმა ორგანიზაციამ უნდა უზრუნველყოს საზღვაო ტრანსპორტის სააგენტოს ადმინისტრაციული შენობისა და მიმდებარე ტერიტორიის დასუფთავების სამუშაოების შესრულება უმაღლესი ხარისხის სისუფთავის შექმნის მიზნით, დასუფთავებისათვის საჭირო ყველა საწმენდი საშუალების გამოყენებით და ტექნიკური ნორმების სრული დაცვით.

**2.6.2** უზრუნველყოს მომსახურე პერსონალის აღჭურვა უნიფორმებით, შესაბამისი ხელსაწყოებით და სახარჯი მასალებით.

**2.6.3** მომსახურების განხორციელებისას გამოყენებული უნდა იყოს მაღალი ხარისხის ჰიგიენური საშუალებები და დამხმარე მასალები (ცოცხი, აქანდაზი, ჩვარი და ა.შ.)

**2.6.4** უზრუნველყოს შენობაში, სათავსოებში სანიტარულ-ჰიგიენური ნორმების დაცვა, შენობის და ტერიტორიის ყოველდღიური, ასევე ყოველთვიური გენერალური დასუფთავება და ნაგვის გატანა (ნაგვის ჩაყრა შენობის ტერიტორიის გარეთ მდებარე სანაგვე ურნებში). ოთახების, ფანჯრების ორმხრივი, კარ-ფანჯრის ჩარჩოების, კიბის უჯრედის, იატაკის რეცხვა-წმენდა. ყოველდღიურად უზრუნველყოს მორიგე დამლაგებლის მომსახურება, სველი წერტილების სანიტარულ-ჰიგიენური ნორმების დაცვა, მათ შორის მათი აღჭურვა ტუალეტის ქაღალდებით, ხელის საწმენდი ქაღალდით, თხევადი საპნებით, ჰაერის გამწმენდი აეროზოლებით.

**2.6.5** შენობის მიმდებარე ტერიტორიის ( ეზოს ჩათვლით) ყოველდღიური დასუფთავება, ნაგვის გატანა (ნაგვის ჩაყრა შენობის ტერიტორიის გარეთ მდებარე სანაგვე ურნებში).

**2.6.6** ტენდერში გამარჯვებულმა კომპანიამ უნდა უზრუნველყოს მუდმივი წესრიგის და სისუფთავის შენარჩუნება შენობა-ნაგებობებსა და შენობის მიმდებარე ტერიტორიაზე.

**შემსყიდველი პერიოდულად განახორციელებს მომსახურების პირობების შემოწმებას და თუ შემოწმების დროს აღმოჩნდება რომ მომსახურება არ შეესაბამება ხელშეკრულებით გათვალისწინებულ მოთხოვნებს, რაც დადასტურდება ორივე მხარის მიერ შემოწმების შესახებ ოქმით, შემსყიდველი იტოვებს ვალდებულებას შეწყვიტოს ხელშეკრულება.**

## **2.7 საქონლის მიწოდების ვადები და პირობები**

**2.7.1** ტენდერში გამარჯვებულმა ორგანიზაციამ მომსახურების განხორციელება უნდა დაიწყოს ხელშეკრულების გაფორმებიდან 2 დღის ვადაში 2012 წლის 31 დეკემბრის ჩათვლით;

**2.7.2** მომსახურების გაწევის ადგილია სსიპ „საზღვაო ტრანსპორტის სააგენტო“, მდებარე ბათუმი, ნინოშვილის ქ.23.

## **2.8 დაფინანსების წყარო: სსიპ „საზღვაო ტრანსპორტის სააგენტო“-ს ეკონომიკური შემოსავლები.**

## **2.9. დამატებითი მოთხოვნები**

**2.9.1** სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

**2.9.2** პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

**2.9.3** სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

**2.9.4** სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

## **2.10. პრეტენდენტის მიერ სისტემაში ასატვირთი დოკუმენტებია:**

- 2.10.1 პრეტენდენტებმა უნდა წარმოადგინოს სატენდერო წინადადების ფასი, ფასების ცხრილი, მომსახურების ვადა და რეკვიზიტები დანართი №2-ის მიხედვით;
- 2.10.2 ინფორმაცია ანალოგიური საქმიანობის გამოცდილების შესახებ (პრეტენდენტმა უნდა წარმოადგინოს მხოლოდ ანალოგიური საქმიანობის შესახებ ინფორმაცია);
- 2.10.3 პრეტენდენტის მიერ უფლებამოსილი პირის მიერ ხელმოწერილი დადასტურება გასაწევი მომსახურების ჩამონათვალის, შესრულების პერიოდულობისა და მომსახურე პერსონალის რაოდენობის შესახებ დანართი №3-ში მოცემული ფორმის შესაბამისად;
- 2.10.4 ინფორმაცია დასუფთავებისათვის აუცილებელი საწმენდი/ჰიგიენური საშუალებების შესახებ დანართი №4-ში მოცემული ფორმის შესაბამისად;
- 2.10.5 ინფორმაცია მომსახურების შესრულებისათვის საჭირო ძირითადი ტექნიკური საშუალებების შესახებ დანართი №5-ში მოცემული ფორმის შესაბამისად.
- 2.10.6 სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).



წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთის მხრივ სსიპ „საზღვაო ტრანსპორტის სააგენტო „ წარმოდგენილი დირექტორის, თეიმურაზ იობიძის სახით (შემდგომში „შემსყიდველი“) იურიდიული მისამართი ქ. ბათუმი, ნინოშვილის ქ. №23

(ორგანიზაციის დასახელება და იურიდიული მისამართი)

და მეორეს მხრივ \_\_\_\_\_ მისი \_\_\_\_\_ სახით, იურიდიული მისამართი \_\_\_\_\_ (შემდგომში მიმწოდებელი)

(ორგანიზაციის დასახელება და იურიდიული მისამართი)

### 1. ხელშეკრულების ღირებულება

შემსყიდველმა გამოაცხადა გამარტივებული ელექტრონული ტენდერი საზღვაო ტრანსპორტის სააგენტოს ადმინისტრაციული შენობისა და მიმდებარე ტერიტორიის დასფუთვება და სანიტარული მომსახურების შესყიდვაზე და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება ----- (-----) ლარად (შემდგომში ხელშეკრულების ღირებულება).

### 2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. მომსახურების ხარისხისა და მიწოდების ვადების დროულად განხორციელების შესაძლებლობის დადგენა;

2.2.2. შესაბამისი შემოწმების აქტის საფუძველზე მიწოდებული მომსახურების ან/და მისი ნაწილის ხარისხის ხელშეკრულების მოთხოვნებთან - ხელშეკრულების დანართი №1 (სატენდერო დოკუმენტაციის დანართი №2; დანართი #4, დანართი #5) შესაბამისობის დადგენა .

2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.

2.2.4. მიმწოდებელი ვალდებულია აუნაზღაუროს შემსყიდველს ზარალი, რომელიც მიადგება მას მომსახურების ვადებისა და პირობების დარღვევით.

2.3. ხელშეკრულების შესრულების კონტროლს ახორციელებენ სსიპ „საზღვაო ტრანსპორტის სააგენტოს“-ს უფლებამოსილი თანამშრომელი.

### 3. შესყიდვის ობიექტის მახასიათებლები

3.1 მიმწოდებელმა უნდა უზრუნველყოს საზღვაო ტრანსპორტის სააგენტოს ადმინისტრაციული შენობებისა და მიმდებარე ტერიტორიის დასუფთავების მომსახურების შესრულება უმაღლესი ხარისხის სისუფთავის შექმნის მიზნით, დასუფთავებისათვის საჭირო ყველა საწმენდი საშუალების გამოყენებით და ტექნიკური ნორმების სრული დაცვით.

3.2 უზრუნველყოს მომსახურე პერსონალის აღჭურვა უნიფორმებით, შესაბამისი ხელსაწყოებით და სახარჯი მასალებით.

3.3 მომსახურების განხორციელებისას გამოყენებული უნდა იყოს მაღალი ხარისხის ჰიგიენური საშუალებები და დამხმარე მასალები (ცოცხი, აქანდაზი, ჩვარი და ა.შ.)

3.4 უზრუნველყოს შენობაში, სათავსოებში სანიტარულ-ჰიგიენური ნორმების დაცვა, შენობის და ტერიტორიის ყოველდღიური ასევე ყოველთვიური გენერალური დასუფთავება და ნაგვის გატანა. ოთახების, ფანჯრების ორმხრივი, კარ-ფანჯრის ჩარჩოების, კიბის უჯრედის, იატაკის რეცხვა-წმენდა. ყოველდღიურად უზრუნველყოს მორიგე დამლაგებლის მომსახურება, სველი წერტილების სანიტარულ-ჰიგიენური ნორმების დაცვა, მათ შორის მათი აღჭურვა ტუალეტის ქაღალდებით, ხელის საწმენდი ქაღალდით, თხევადი საპნებით, ჰაერის გამწმენდი აეროზოლებით.

3.5 შენობის მიმდებარე ტერიტორიის ( ეზოს ჩათვლით) ყოველდღიური დასუფთავება, ნაგვის გატანა (ნაგვის ჩაყრა შენობის ტერიტორიის გარეთ მდებარე სანაგვე ურნებში).

3.6 იატაკი უნდა დასუფთავდეს კერხერის აპარატით და სათანადო ხსნარით.

3.7 უზრუნველყოს მუდმივი წესრიგის და სისუფთავის შენარჩუნება შენობა-ნაგებობებსა და შენობის მიმდებარე ტერიტორიაზე.

#### **4. მომსახურების მიწოდების პირობები**

4.1. მომსახურების მიწოდება უნდა განხორციელდეს ყოველდღიურად ხელშეკრულების დანართი #4 მოცემული პირობების შესაბამისად 2011 წლის 31 დეკემბრამდე.

4.2. მომსახურების მიწოდების ადგილია ქ. ბათუმი, ნინოშვილის ქ.23.

#### **5. შესყიდვის ობიექტის მიღება-ჩაბარების წესი**

5.1. შესყიდვის ობიექტის მიღება-ჩაბარება ხორციელდება ყოველთვიურად მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, შესრულებული მომსახურება შეესაბამება ხელშეკრულების დანართი №1-ით (სატენდერო დოკუმენტაციის დანართი №2, #4, #5,) და ხელშეკრულების მე-2 მუხლით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს გაწეული მომსახურების მიღებას, ხოლო თუ, მომსახურების პროცესში გამოვლინდება, რომ იგი არ აკმაყოფილებს ხელშეკრულების დანართი №1-ით (სატენდერო დოკუმენტაციის დანართი №2) გათვალისწინებულ მოთხოვნებს შემსყიდველს უფლება აქვს არ მიიღოს და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.

5.3. იმ შემთხვევაში თუ ხელშეკრულების 5.2. პუნქტის საფუძველზე არ განხორციელდა მომსახურების მიღება, მიმწოდებელი ვალდებულია 3 (სამი) დღის ვადაში უზრუნველყოს ხარვეზის აღმოფხვრა და მომსახურების სრულყოფილი სახით მიწოდება, ხოლო აღნიშნული ვადის გასვლის შემდეგ მიმწოდებელს დაეკისრება პირგასამტეხლო ხელშეკრულების 13.1. პუნქტით გათვალისწინებული პირობების შესაბამისად.

5.4 მიმწოდებელმა შემსყიდველს უნდა წარუდგინოს მომსახურების მიწოდებისას მიღება-ჩაბარების აქტი, და საგადასახადო ანგარიშფაქტურა (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა საგადასახადო ინსპექციიდან).

5.5. ხელშეკრულების 5.4. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. ბათუმი, ნინოშვილის ქ. №23, სსიპ „საზღვაო ტრანსპორტის სააგენტო“.

#### **6. ანგარიშსწორება**

6.1. ანგარიშსწორება მიმწოდებელთან განხორციელდება ლარებში, ეტაპობრივად, უნაღდო ანგარიშსწორების ფორმით.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების 5.4. პუნქტის შესაბამისად გაფორმებული ინსპექტირების აქტის, საბოლოო მიღება-ჩაბარების აქტის და საგადასახადო ანგარიშფაქტურის საფუძველზე (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა საგადასახადო ინსპექციიდან) არაუგვიანეს 20 (ოცი) კალენდარული დღის განმავლობაში.

## **7. მხარეთა ვალდებულებები**

### **7.1. „მიმწოდებელი“ ვალდებულია:**

- 7.1.1. მიაწოდოს „შემსყიდველს“ სრულყოფილი და დროული მომსახურება;
- 7.1.2. „შემსყიდველს“ გაუწიოს მომსახურება ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;
- 7.1.3. უზრუნველყოს ნაკლის გამოსწორება 3 (სამი) დღის ვადაში;
- 7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

### **7.2. „შემსყიდველი“ ვალდებულია:**

- 7.2.1. უზრუნველყოს „მიმწოდებლის“ დროული და სრული დაფინანსება;
- 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2.3. დაიცვას ხელშეკრულებით გათვალისწინებული ყველა პირობა.

## **8. მხარეთა უფლება**

### **8.1. „მიმწოდებელს“ უფლება აქვს:**

- 8.1.1. ხელშეკრულების ფარგლებში მოითხოვოს დროული და სრული დაფინანსება.

### **8.2. „შემსყიდველს“ უფლება აქვს:**

- 8.2.1. აწარმოოს მიწოდებული პროდუქციის ხარისხისა და რაოდენობის კონტროლი;
  - 8.2.2. განაცხადოს უარი უხარისხო მომსახურების მიღებაზე.
- 8.3. იმ შემთხვევაში თუ ადგილი ექნება ისეთი მომსახურების გაწევას, რომლის შესაბამისი დასახელება და ფასი განსაზღვრული არ არის ხელშეკრულების დანართი #1-ით, მიმწოდებელი ვალდებულია მიაწოდოს შემსყიდველს აღნიშნული მომსახურება ხელშეკრულების შეთანხმების ოქმის გაფორმების შემდეგ.

## **9. ფორს-მაჟორი**

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

## **10. ხელშეკრულების პირობების და ფასების გადასინჯვა**

- 10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.
- 10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## **13. ხელშეკრულების პირობების შეუსრულებლობა**

13.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული პირობების შესაბამისად არ განხორციელდა შესაბამისი რაოდენობისა და ხარისხის მომსახურების მიწოდება, მიმწოდებელს დაეკისრება პირსაგამტეხლო შეუსრულებელი ვალდებულების ღირებულების 0,5%-ის ოდენობით ყოველ ვადაგადაცილებულ დღეზე.

13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, მეორე მხარეს უფლება აქვს შეწყვიტოს ხელშეკრულება.

13.3. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,1% ყოველ ვადაგადაცილებულ დღეზე.

## **14. ხელშეკრულების შეწყვეტა**

### **14.1. ხელშეკრულება შეიძლება შეწყვეტილ იქნეს:**

14.1.1. მხარეთა შეთანხმებით;

14.1.2. ერთი მხარის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის განმავლობაში;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

## **15. ხელშეკრულების მოქმედების ვადა**

15.1. წინამდებარე ხელშეკრულება ძალაში შედის ხელმოწერისთანავე და მოქმედებს 2012 წლის 31 დეკემბრამდე.

## **16. განსაკუთრებული პირობები**

16.1. ხელშეკრულება შედგენილია -- ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ---- ეგზემპლარი იწახება „მიმწოდებელთან“; ---- ეგზემპლარი „შემსყიდველთან“.

„შემსყიდველი“

სსიპ „საზღვაო ტრანსპორტის სააგენტო“

ქ. ბათუმი, ნინოშვილის ქ. №23

„მიმწოდებელი“



#### 4. დამატებითი ინფორმაცია.

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. ბათუმი, ნინოშვილის ქ. №23, პირველი სართული. საკონტაქტო პირი: თამარ თავართქილაძე, ტელ: 892 12 95 85.

#### დანართი #1

##### აფიდავიტი

##### სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

\* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

\* უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;

\* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

\* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

\* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

\* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195<sup>1</sup> მუხლის შესაბამისად.

დასუფთავება და სანიტარული მომსახურების სატენდერო წინადადების  
ფასი (დღგ-ს ჩათვლით, ლარი) და ფასების ცხრილი

„\_\_\_“ \_\_\_\_\_ 2012წ.  
(შევსების თარიღი)

სატენდერო წინადადების ფასი \_\_\_\_\_ (\_\_\_\_\_) ლარად.  
(პრეტენდენტის დასახელება) (თანხა ციფრებით) (თანხა სიტყვიერად)

| N | დასახელება                                                                                 | მისამართი                 | დასასუფთავებელი ფართი                                                                                   | მომსახურების პერიოდი                                | ერთი თვის მომსახურების ფასი (ლარებში) | საერთო ფასი (ლარებში) |
|---|--------------------------------------------------------------------------------------------|---------------------------|---------------------------------------------------------------------------------------------------------|-----------------------------------------------------|---------------------------------------|-----------------------|
| 1 | 2                                                                                          | 3                         | 4                                                                                                       | 5                                                   | 6                                     | 7                     |
| 1 | საზღვაო ტრანსპორტის სააგენტოს ადმინისტრაციული შენობისა და მიმდებარე ტერიტორიის დასუფთავება | ქ.ბათუმი<br>ნინოშვილის 23 | შიდა ტერიტორია 514 კვ.მ;<br>გარე ტერიტორია 468კვ.მ;<br>ფანჯარა - 20 ერთეული;<br>სველი წერტილი - 2 ცალი. | ხელშეკრულების გაფორმებიდან 2012 წლის 31 დეკემბრამდე |                                       |                       |

შენიშვნა: (\*) დღგ-ს გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ს გათვალისწინებით.

გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ხარჯთაღრიცხვის განფასება დანართი №2-ის შესაბამისად, მოთხოვნიდან არაუმეტეს 5 სამუშაო დღის განმავლობაში

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშსწორების ანგარიში:

ანგარიშის ნომერი:

(თანამდებობა, სახელი, გვარი)

(ხელმოწერა)



გასაწევი მომსახურების ჩამონათვალი, შესრულების პერიოდულობა და მომსახურე პერსონალის რაოდენობა

|    | გასაწევი მომსახურების დასახელება                                                                                      | შესრულების პერიოდულობა                          | პერსონალის რაოდენობა |
|----|-----------------------------------------------------------------------------------------------------------------------|-------------------------------------------------|----------------------|
| 1  | იატაკის დაგვა                                                                                                         | ყოველდღიურად, სამუშაო საათების დაწყებამდე       |                      |
| 2  | იატაკის რეცხვა                                                                                                        | ყოველდღიურად, სამუშაო საათების დაწყებამდე       |                      |
| 3  | კედლების მშრალი დასუფთავება (მტვრის მოცილება) და საჭიროების შემთხვევაში კედლის ზედაპირის წერტილოვანი რეცხვა ხსნარებით | კვირაში 2-ჯერ                                   |                      |
| 4  | შემოსასვლელი ჰოლის და დერეფნების დასუფთავება                                                                          | ყოველდღიურად, სამუშაო საათების დაწყებამდე       |                      |
| 5  | ფანჯრების ორმხრივი და კარ-ფანჯრის ჩარჩოების წმენდა ქიმიური ხსნარებით                                                  | კვირაში 1-ჯერ                                   |                      |
| 6  | ავეჯის გაპრიალება                                                                                                     | ყოველდღიურად, სამუშაო საათების დაწყებამდე       |                      |
| 7  | კიბის უჯრედის რეცხვა-წმენდა                                                                                           | კვირაში 2-ჯერ                                   |                      |
| 8  | სველი წერტილების დასუფთავება                                                                                          | ყოველდღიურად (დღეში 2-ჯერ)                      |                      |
| 9  | ტუალეტის ოთახებში თხევადი საპნის, ქაღალდის და ჰაერგამწმენდი აეროზოლების კონტროლი და მიწოდება                          | საჭიროების შესაბამისად (კვირაში 1-ჯერ ან 2-ჯერ) |                      |
| 10 | ტუალეტებში ინვენტარის რეცხვა-დეზინფექცია                                                                              | ყოველდღიურად, სამუშაო საათების დაწყებამდე       |                      |
| 11 | ნაგვის გატანა                                                                                                         | ყოველდღიურად, სამუშაო საათების დაწყებამდე       |                      |
| 12 | შენობისა და ტერიტორიის გენერალური დასუფთავება                                                                         | ყოველთვიურად, სამუშაო საათების დაწყებამდე       |                      |
| 13 | მორიგე დამლაგებლის მომსახურება                                                                                        | ყოველდღიურად, სამუშაო საათების განმავლობაში     |                      |
| 14 | შენობის მიმდებარე ტერიტორიის დასუფთავება                                                                              | ყოველდღიურად, სამუშაო საათების დაწყებამდე       |                      |

(თანამდებობა, სახელი, გვარი)

(ხელმოწერა)

შენიშვნა: პრეტენდენტმა ხელმოწერით უნდა დაადასტუროს თანხმობა მომსახურების ვადების გრაფიკზე.

\_\_\_\_\_

\_\_\_\_\_

ინფორმაცია დასუფთავებისათვის აუცილებელი საწმენდი/ჰიგიენური საშუალებების შესახებ

| № | გამოსაყენებელი საქონლის დასახელება | წარმოშობის ქვეყანა | რაოდენობა |
|---|------------------------------------|--------------------|-----------|
| 1 |                                    |                    |           |
| 2 |                                    |                    |           |
| 3 |                                    |                    |           |
| 4 |                                    |                    |           |
| 5 |                                    |                    |           |

ინფორმაცია მომსახურების შესრულებისათვის საჭირო ძირითადი ტექნიკური საშუალებების შესახებ

| ტექნიკური საშუალებების დასახელება | აღწერილობა, მოდელი, ტიპი, მარკა და ასაკი | რაოდენობა | მდგომარეობა (ახალი, ნორმალური, მოძველებული) | საკუთრება (საკუთარი, იჯარით აღებული, ვისგან) |
|-----------------------------------|------------------------------------------|-----------|---------------------------------------------|----------------------------------------------|
|                                   |                                          |           |                                             |                                              |
|                                   |                                          |           |                                             |                                              |
|                                   |                                          |           |                                             |                                              |
|                                   |                                          |           |                                             |                                              |
|                                   |                                          |           |                                             |                                              |

(თანამდებობა, სახელი, გვარი)

(ხელმოწერა)

\_\_\_\_\_

\_\_\_\_\_